

LIGJ
Nr.9994, datë 18.9.2008

**PËR NJË NDRYSHIM NË LIGJIN NR.7875, DATË 23.11.1994 “PËR MBROJTJEN E
FAUNËS SË EGËR DHE GJUETINË”, TË NDRYSHUAR**

Në mbështetje të neneve 78 dhe 83 pika 1 të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

Neni 1

Në ligjin nr.7875, datë 23.11.1994 “Për mbrojtjen e faunës së egër dhe gjuetinë”, të ndryshuar, neni 23 ndryshohet si më poshtë:

“Neni 23

1. Personat fizikë ose juridikë mund të ushtrojnë veprimtaritë e mbarështimit të faunës së egër, si dhe të gjuetisë sportive e turistike, kur shpallen fitues në procedurat e konkurrimit publik, të organizuara nga drejtoria përkatëse e shërbimit pyjor ose për pyjet dhe kullotat komunale nga njësitë e qeverisjes vendore, në përputhje me dispozitat e legjislacionit përkatës. Me subjektin fitues lidhet kontratë.

2. Kërkesat që duhet të plotësojnë subjektet për pjesëmarrjen në konkurrimin publik për veprimtarinë e mbarështimit të faunës së egër, si dhe të gjuetisë sportive e turistike, përcaktohen me udhëzim të ministrit.”.

Neni 2

Ky ligj hyn në fuqi 15 ditë pas botimit në Fletoren Zyrtare.

**Shpallur me dekretin nr.5902, datë 1.10.2008 të Presidentit të Republikës së Shqipërisë,
Bamir Topi**